



**INKULUMO KANGQONGQOSHE WEZOKUTHUTHA, UKUPHEPHA  
NOKUXHUMANISA UMPHAKATHI KWAZULU-NATAL UMNUZ BHEKI CELE  
EMCIMBINI WOKUPHENDULA ISOYI LEBHULOHO OBIVANE MHLAKA 21  
OCTOBER 2007.**

**Nginyanibingelela nonke**

- NgoLwesine besiseMsinga sivula umgwaqo sethula nomkhankaso wethu ka'Operation Kushunquthuli' lapho siqinisa ukuzibophezela kwethu ekuletheni ithemba emiphakathini edinga kakhulu ukuze nayo ikwazi ukujabulela impilo engcono kubantu bonke.
- Siguqula izimpilo zabantu ngokwakha imigwaqo namabhuloho kusuka eningizimu kuya enyakatho nasempumalanga kuya entshonalanga. Akukho noyedwa, noma umuntu noma inhlangothi ethile, ozosivimba ukuthi silethe ingqalasizinda kubantu bakithi.
- Siyazi ukuthi kukhona abathi sihlale sihlaba amasoyi, mhlambe ukuze siziqoqele amaphuzu kwezepolitiki. Kodwa ngicabanga ukuthi yibona kanye labo abazama ukuqoqa amaphuzu kwezepolitiki ngokudukisa abantu bakithi akade bayilinda le ntuthuko ngoba siyazigcina thina izithembiso zethu.

- Phela akuqali ukuthi kube nohulumeni emlandweni weNingizimu Afrika neKwaZulu-Natal ikakhulukazi. Kodwa abantu bakithi baqala manje ukubona uguquko ezimpilweni zabo olulethwa yizinhlelo zikahulumeni wethu wentando yeningi.
- Sesifike izikhathi eziningi kabi kulesi Funda saseZululand sizotshala izimali kwingqalasizinda ngenhloso yokuthuthukisa umnotho wendawo, ukuxhumanisa imiphakathi nezindawo zosizo nokuqinisekisa ukuthi izinga lempilo liba ngcono emiphakathini yasemakhaya.
- Namhlanje silapha Ophuzane sizohlaba isoyi njengophawu lokuqala kokwakhiwa kwebhuloho lomfula uBivane elizokwakhiwa ngesamba sika-R5.7 esikhathini esiyizinyanga ezingu-13. Leli bhuloho lizosiza izimoto eziwela umfula uBivane phakathi komphakathi wasoPhuzane enhla nomfula nesikole neminye imiphakathi esezansi nomfula.
- Umfula uBivane uhlale ugcwala njalo ngezikhathi zasehlobo, kuvimbeleke izimoto eziwela umfula. Ibhuloho elizokwakhiwa lizokuba seduze kwelezinyawo elisanda kwakhiwa kule ndawo.
- Ucwangingo olwenziwe luveze ukuthi sidinga amabhuloho okuwela ngezinyawo angu-146, kodwa uMnyango wezeMfundo wengeze ayikhulu ngaphezulu okwenza abe ngu-246 amabhuloho adingeka esifundazweni.

- La mabhuloho adingeka ukuze asize izingane zethu zesikole ezihlale zibeka izimpilo zazo engozini ngokuwela imifula egcwele uma ziya esikoleni ngezikhathi zasehlobo.
- Mangithathe leli thuba ngihalalisele umphakathi waseZululand ngayo yonke imisebenzi yemigwaqo namabhuloho esilethiwe nesazo lethwa kuwona.
- Lapha ngikhuluma, phakathi kweminye, ngo D1820, P700, P432 P235/ P49/ P52, P234 P487, iMpembeni, iSikhwebezi Pedestrian Bridge, iThombothi iRiver Bridge, iWela River Bridge, neQwasha River Bridge.
- Akungabazeki manje ukuthi uMnyango wezokuThutha KwaZulu-Natal uhlabela phambili nokufeza umgomo wawo wokwakha uhlelo lwezokuthutha olusimeme nolusabalele yonke indawo KwaZulu-Natal nokuvikela ababuthaka.

### **Ngiyabonga**